

бичини, гойдима-тани улэн бичин.“ Энини ундини: „Гисурэру, тэй хамача бэюнсэл бичичи?“ Сингэрэкэн ункини: „Эмдимэ тэнг нгэлэпси, тулиэвэ пулсини. Нёани бэгдини сахарин, нуктэни сэгден, насални тэнг илэлэ килтолиандини, опорони эмуту гохо-мат мокчони. Ми нёамбани сиур энэйдуивэ, нёани ангмаи нихэлирэ, бэгдии эурирэ, тэнг мангади морапсинкини. Ми чаду тэнг мангади нгэлэхэмби, хаоси-да чочагогилай-да хах-хал очимби.“

— Эй хусэ чико, — сагди сингэрэ ункини. — Нёани уйду-дэ оркимба тасини, эди нгэлэрэ. Гойдима бэюн хони бичини?

— Гойдима аохани, сиунду полчихани. Монгони чагдян, бэгдикэнсэлни хонгма-хонгма бойкоку, нам-нам бичини. Аоми мэнэ чагдян тунгэмби илэчини, хуйгукэндии дюкэн туйнкуйни, минчи айи ичэдехэни. — Сагди сингэрэ ундини: „Си тэнг эдэн. Эй кэксэ бэени-гоани.“

* * *

Эм модан лев вайчандами энэйдуи осёлба мэндии дяпахани, нёанчиани туй ункини: „Осёл, си дуэнтэчи ирэ, тэнг элэнгудии морару, си котаси хугди. Си морайдоаси нгэлэрэ пагдиалай бэюнсэлбэ, ми дяпадямби.“ Туй тахачи.